

ყვარელი

გამოდის 1932 წლიდან

ფასი 40 თეთრი

გილოცავთ ნინოების ბრწყინვალე დღესასწაულს!



კახეთში ტურიზმის განვითარების მიზნით ახალი მარშრუტების შექმნა განიხილეს

კახეთში, ტურიზმის სფეროში არსებული გამოწვევების შესახებ ბიზნესმენებთან შეხვედრა გაიმართა. შეხვედრა კახეთის გუბერნატორის ადმინისტრაციის ინიციატივით შედგა, კერძო სექტორის წარმომადგენლებს კახეთის გუბერნატორი ირაკლი ქადაგიშვილი, ეკონომიკისა და მდგრადი განვითარების სამინისტროს ტურიზმის ეროვნული ადმინისტრაციის ხელმძღვანელი გიორგი ჩოგოვაძე, კულტურის მინისტრის მოადგილე ლევან ხარატიშვილი, ინფრასტრუქტურის სამინისტროს რეგიონული პროექტების დეპარტამენტის ხელმძღვანელი ნიკოლოზ როსტომიშვილი, ალავერდელი მთრობოლიტი მეუფე დავითი, გუბერნატორის მოადგილეები: ირაკლი შიომიძე, გივი მეტრეველი, გუბერნატორის ადმინისტრაციის რეგიონული პროექტების სამსახურის უფროსი მალხაზ ჭრელაშვილი, თელავის მერი პლატონ კალმახელიძე, ყვარლის მუნიციპალიტეტის გამგებელი ილია მხეცლაშვილი, მაჟორიტარი დეპუტატები: გელა სამხარაული და ირაკლი სესიაშვილი შეხვედნენ.



შეხვედრაზე კახეთის ტურისტული მიმართულების განვითარების მიზნით ახალი ტურისტული მარშრუტების შექმნა, ტრანსპორტირება, თელავის აეროპორტის შიდა ჩარტერული რეისების დანიშვნა, გომბორის უელტეხილზე გადმოსახედის, თელავში ბატონის ციხის მიდებარე ტერიტორიაზე და ყვარლის ციხე-გალა-

ვანთან ახალი ტურისტული ინფრასტრუქტურის მოწყობა და სხვა საკითხები განიხილეს. საუბარი შეეხო მიმდინარე და დაგეგმილ საქმიანობებს. მხარეებმა ტურიზმის განვითარების დამატებითი რეკომენდაციები, ურთიერთ თანამშრომლობის პერსპექტივები და სამომავლო გეგმები დასახეს. წარმოდგენილი იყო პრეზენ-

წმიდა ნინო – ქართველთა განმანათლებელი და მოციქულთა სწორი

საქართველოში ქრისტიანობა პირველივე საუკუნეებიდან გავრცელდა, ხოლო IV საუკუნის პირველ მეოთხედში წმ. ნინოს მოღვაწეობის შედეგად სახელმწიფო სარწმუნოებად გამოცხადდა. აღნიშნული დღესასწაულის გამო წმ. ნინო ქართველთა განმანათლებლად და მოციქულთა სწორად არის მიჩნეული. გასარკვევია ერთი საკითხი, თუკი საქართველოში ქრისტიანობა მოციქულებმა გაავრცელეს, რატომ გახდა აუცილებელი წმინდა ნინოს შემოსვლა? ეს კითხვა უძველეს დროშიც აწუხებდათ. ჯერ კიდევ, ეფრემ მცირეს გარკვეული შეუსაბამობა შეუნიშნავს აღნიშნულ საკითხთან დაკავშირებით. იგი შეეცადა აეხსნა, თუ რით იყო გამოწვეული ასეთი შეუსაბამობა. მისი აზრით, მოციქულების შემდეგ ხალხმა დაივიწყა ქრისტეს მოძღვრება და ისევ წარმართობისაკენ მიიქცა, ქვეყანა „მრავალჯამ დაიპყრნა ლუარდმან მეკერპეთამან“. ეფრემ მცირეს განმარტებით, ასეთ ფაქტს ადგილი თვით საბერძნეთშიც ჰქონია, „ვიდრე ჟამთაჲმდე მეორედ პავლეუდ ზეცით ნოდებულსა დიდსა კონსტანტინესა“. სწორედ წმინდა კონსტანტინე იმპერატორის ხელშეწყობით იმპერიის მასშტაბით ქრისტიანობას გასაქანი მიეცა. უფალმა – ეფრემ მცირეს აღნიშვნით – „არცა ჩუენ მცირენი დაგეტენა ულუანად, არამედ ესრეთ განაგო კულად აღმონოდებად ჩუენი“ და ჩვენთან ხელახლა საქადაგებლად გამოგზავნა წმინდა ნინო.

ჩვენი მხრივ კი დავძენთ, რომ მოციქულთა მოღვაწეობის შემდგომ, როგორც დასავლეთ, ისე აღმოსავლეთ საქართველოში, ქრისტიანობა კვლავ ვრცელდებოდა მოგზაურთა თუ სხვათა მეშვეობით. IV საუკუნემდე, როგორც დასავლეთ ისე აღმოსავლეთ საქართველოში არსებობდა ე.წ. ქრისტიანული თემები, რაზეც მეტყველებს არქეოლოგიური მონაცემები და წერილობითი წყაროები. ახალი ნელთალრიცხვით I-III საუკუნეებში საქართველოში არსებული ქრისტიანული თემები სამეფო ხელი-სუფლებსაგან, მართალია, დევნას არ განიცდიდა, მაგრამ ისინი ფარული სახით არსებობდნენ. სახელმწიფო ხელისუფალნი და მათი ქვეშევრდომნი ისევ წარმართ კერპებს აღმერთებდნენ, თუმცა, როგორც წყაროებით ირკვევა, ქრისტიანული თემე-



გაგრძელება მე-2 გვ. -ზე

